

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars secunda, hoc est:
Solida, ad descendam & exercendam, ex evangeliis tam
dominicalibus quam festivalibus Christi & sui-ipsius
notitiam, informatio**

Creide, Hartmann

Francofurti ad Moenum, 1682

Exordium

[urn:nbn:de:bsz:31-126164](#)

Dominica Oculi.

Muliercula enim præsens, Apologiz Christi nervositate mota, profunda voce exclamat: Beatus venter, quite portavit, & ubera, quæ suxisti.

Alias dicitur: Mulier taceat in Ecclesia, 1. Cor. 14. v. 34. Sed idem hic muliercula huic evenit, quod Monicæ, matri Augustini, quæ sacra cœna utens, præ animi pia devotione exclamavit: *Evollemus in calum, quia Deus cœli habitat in nobis.* Quamvis itaque hoc non improbemus, sed devotio ni pia condonemus: sic in eo errat, quod laudem qua filium ornare debebat, matri attribuit, quod melius observavit Elisabetha, Luc. 1. v. 45.

Ideoque interpellat ipsum Christus, dicens: Quinimo, beati qui audiunt verbum Dei, & custodiunt illud.

Duo hic Christus requirit ab omnibus Christianis:

1. *Ut verbum Dei audiant.* Doctores enim & Auditores sunt correlata: quia itaque Deus verbum suum prædicari finit, id eo id facit, ut illud sedulo audire debeamus, secus enim frustra illud prædicatur. Fides enim ex auditu est, Rom. 10. v. 17. Quodsi itaque Spiritus Sanctus fidem operari debet, non aures obturandas sunt, sed potius cum Samuele dicendum: Loquere Domine, servus tuus attendit, 1. Sam. 3. v. 9.

2. *Ut verbum Dei custodiant.* Hoc præcipuum est, ne diabolus temen verbi vicissim auferat. Matth. 13. v. 19.

Quid prodest homini cibus, nisi concoquatur, est enim indicium male affecti stomachi, qui nisi in tempore curetur, indubius mortis ante signanus est:

Sic nihil prodest verbum audire, nisi custodiatur, & nisi hoc non sit, indubius character æternæ mortis est. Sermo enim, quem non custodierunt, judicabit eos in novissimo die. Joh. 12. v. 48. Hic Spiritus Sancti adjutorio apprime opus est, qui eam ob causam quoque ostiarius appellatur, Joh. 10. v. 3. Hic sedulo quoque ideo invocandus est, hunc circiter in modum:

Ich bitt ö Herr aus Herzengrund!

Du wollt nicht von mir nehmen / &c.

Hac ratione ad æternam salutem, quam Christus morte & sanguine suo nobis acquisivit, pertingere valemus, ubi audiemus quæ auris non audit, & videbimus, quæ oculus non vidit, 1. Cor. 2. v. 9. nempe abundantiam gaudiorum, & delectationes in dextera Dei, in æternum, Psal. 16. v. ult. Larijatur id nobis cœlestis pater, per Iesum Christum Dominum & Salvatorem nostrum, Amen.

— 6 —

Dominica Lætare.

Evangelium, Johan 6. v. 1. --- 15.

EXORDIUM.

Referit Moses, quod tempore Josephi in Ægypto degentis maxima annona caritas in valuerit, quæ totum septennium duraverit, tanta cum vehementia, ut in toto orbe

panis defuerit: Josephus vero ex summa agrorum ubertate magnas frumenti copias ante comportaverat, quo sublevabat defectum hominum, ne fame interirent. Gen. 47. v. 13.

Hoc

Hoc allegoricè interpretabimur.

Mundus nihil aliud est, quam terra inopia; modò panis necessarius deficit, & famæ terram premit, ut nullibi frumentum inveniri possit, licet carè emere velis, hinc est, ut qui antè vescebantur voluptuosè interierint in viis suis, Thren. 4. v. 5. Modò verbum Dei pretiosum esse incipit, ut tempore Eli, 1. Sam. 3. v. 1. ut vagandum sit à mari usque ad mare, & ab Aquilone usque ad Orientem, quæsitum verbum Domini, & non inveniatur, Amos. 8. v. 12.

Hæc magna est miseria, neque enim homo carere his potest; pane naturali indiget ad sustentationem corporis, spirituali ad roborationem animæ, propterea Christus ait: Non in solo pane vivit homo, sed in omni verbo, quod procedit de ore Dei, Matth. 4. v. 4.

Sicut autem tum temporis unusquisq;, qui frumenti inopiam laborabat, Josephum accedebat, qui cuilibet pro pecunia, tantum largiebatur, quantum opus erat: Similiter & nos ditissimum habemus Procuratorem, qui aperit manum suam, & impler omne animal beneplacito, Psal. 145. v. 16. Ab eo est panis naturalis, quem quotannis educit de terra, Psal. 104. v. 15. Ab eo quoque est panis cœlestis, quem in Ecclesiâ distribui finit, & quidem sine pecunia, Esa. 55. v. 1. ut quilibet, quantum ad salutem indiget, accipere possit, juxta illud: Venite, omnia parata sunt, Luc. 14. v. 17.

Quandounque itaque alterutrius inopiam laboramus, ad Christum confugere possumus, quem Pater cœlestis idèo in mundum misit, ut in eo vitam habeamus, & abundantius habeamus, in æternum, Joh. 10. v. 10.

Præclarum exemplum habemus in tur-

bâ, cuius mentio in Evangelio injicitur, quam Christus spiritualiter & corporaliter cibavit. Docuit enim eos multa, Marc. 6. v. 34. & quia cum desiderio eum audiebant, usque ad vesperam, incibatos dimittere solebat, sed quinque panibus hordeaceis & duobus pîscibus cibabat quinque millia virorum, præter fœminas & pueros, adeò largiter, ut non modò saturarentur, sed & duodecim cophini fragmentorum colligerentur.

Nos ad ipsam Evangelii tractationem nos conferemus, contemplaturi

I. Αὐτοπολογία sive notitiam nostrâ.

II. Χριστονοστασία sive notitiam Christi.

J. J.

Exegesis.

Quod si Evangelium pralectum in compendium redigere velimus, commodè illud includi poterit aureolo illi Christi: Quærите primum regnum Dei & justitiam ejus, & cætera omnia adjicientur vobis, Matth. 6. v. 33. Ubi tum officium nostrum, tum larga Dei remuneratio nobis ob oculos ponitur. Officium nostrum est, ut queramus regnum Dei & justitiam ejus. Remuneratio est in his verbis: & cætera adjicientur vobis.

Quid regnum Dei sit, ante ostium audivimus, nempe, ubi per digitum Dei Diabolus expellitur, & conscientiæ, efficaci solatio Evangelicae veritatis consulitur. Testimonia enim tua fidelia sunt validè, domus tua est habitatio sancta, Domine, in longitudine dierum, Psal. 93. v. 6. Quomodo vero regnum querere debeamus, turba nos docet in Evangelio, quæ Christum tantâ devotione insequitur, ut non modò rem familiarem posthabeat: sed cibi quoque corporali